





Digitized by the Internet Archive  
in 2010 with funding from  
Boston Public Library

LES DESSEINS  
DE MONSIEVR  
LE PRINCE

ENVOYEZ AV ROY.

ET CE QVI S'EST PASSE  
entre les deux armées.

*En suite ce qui est arrivé és deux iournees du passage  
de la riviere de Loire.*



A PARIS.

Chez IOSEPH GVERREAV, rue de la Ba-  
rillerie, au Griffon, pres S. Barthelemy.

M. D. XV.

Acc. 84-546 (49)

U. S. DEPARTMENT OF THE INTERIOR

BUREAU OF LAND MANAGEMENT


WASH. D. C. 20090

OFFICE OF THE ASSISTANT SECRETARY

FOR LAND MANAGEMENT



U. S. DEPARTMENT OF THE INTERIOR  
BUREAU OF LAND MANAGEMENT  
WASHINGTON, D. C. 20090



*LES DESSEINS DE MONSIEUR  
le Prince, enuoyez au Roy, & ce qui s'est passé entre  
les deux armées, en suite ce qui est arrivé es deux  
iournees du passage de la riuere de Loire.*

**M**onsieur le Marechal de Boi-  
dauphin Lieutenant general de  
l'armée du Roy, ayât tousiours  
poursuiuy & pressé l'armée de  
Monsieur le Prince, pour luy  
empescher ses intentions, mesme la prise de la  
ville de Sens, & autres qui sont sur les riuieres  
de Seine & Yonne, ou Monsieur le Prince  
auoit ses principaux desseins. Au sortir de la-  
quelle ville de Sens ledit sieur Marechal def-  
fit les troupes de Monsieur de Luxembourg,  
composees de sept ou huict cens cheuaux, à la  
teste de l'armée de Mondit sieur le Prince, le-  
quel ayant intelligēce à Gyen, ledit sieur Ma-  
reschal y enuoya des troupes, dont ledit sieur  
Prince estant fort fasché, se seroit resolu de  
prēdre le logis de Bony, & Monsieur le Mare-  
chal celuy d'Auzoy sur Trezée à deux lieuës



dudict Bony, & logè les carabins de son armee à  
 Houffo, lesquels aussi tost qu'ils furent arriuez  
 furent inuestis par l'armee de Mondit sieur le  
 Prince, dont Mondit sieur le Marechal estant  
 aduerty, se resolut de les venir secourir avec  
 l'armee du Roy, sçachant bien que n'estant  
 qu'à trois quarts de lieuës de celle de l'enemy,  
 y enuoyant des troupes pareilles pour les  
 secourir, c'estoit du tout les enuoyer au pe-  
 ril, sans esperance de pouuoir descharger les-  
 dits carabins. Ce qui fut cause que Mōdit sieur  
 le Marechal y alla avec ladite armee, qu'il fist  
 mettre aussi tost en bataille, & marcha la teste  
 baissée droit audit Houffon ou estant prest il  
 retira lesdits Carabins, & vit en mesme temps  
 partie de l'armee des ennemis paroistre dessus  
 vne colline, n'y ayant qu'un petit ruisseau en-  
 tre deux, fist auancer son canon, & tirer dans  
 lesdites troupes, lesquelles s'esbranlerent, &  
 monstrent auoir de l'espouuante, ce qui fist  
 refoudre Mondit sieur le Marechal de se saisir  
 de ladite colline & passer le ruisseau cy dessus,  
 fist aduācer les sieur de Contenā, la Marq, &  
 Sablé, soustenus des compagnies de la Royné,  
 & de Monsieur, conduites par les sieurs de Fos-  
 sé & Marillac, poussāt lesdits ennemis de façon  
 qu'on ne les vit paroistre que derriere vn bois  
 ioignant vne colline, qui estoit prest ledit Bo-  
 ny, où les ennemis aduancerent leur infante-

rie & canon, qu'ils firēt tirer sur ladite armee, & celuy de l'armee du Roy sur leursdites troupes, tellement que ce combat de canon dura deux ou trois heures, pēdant lesquelles Mondit sieur le Mareschal, Messieurs de Praslam, Bassompierre, & d'Escures, avec les sieurs de Richelieu, de Rambure, du Bourg, Vaubecourt & Boniface Maistres de Camp, recogneurent l'ordre & le lieu où estoit l'armee de Monsieur le Prince, laquelle estoit logee fort aduantageusement en vn rideau le long d'un bois, ou on ne pouuoit aborder que par vn chemin estroit, qui eust esté vn grand desaduantage pour l'armee du Roy, allant attaquer les ennemis en vn lieu si aduantageux d'affiēte. Tellement que Mondit sieur le Mareschal voyant qu'il estoit tard, & qu'il n'y auoit nulle apparence de les attaquer pour ce iour, se resolut de prendre le logis dudit Housson, & faire camper les Suisses, l'infanterie & caualerie legere pres de luy, & fist faire la retraite à la main droicte par lesdits sieurs de Contenan, la Marq & Sablé, & à la main gauche par les sieurs de Vitry, Zamer, Buffy, & Carabins, lesquels se retirans, Monsieur du Mayne recognoissant ledit sieur de Vitry l'appella pour parler à luy, mais n'ayant point de commandement ne le voulut faire, & au lieu partit de la main & alla audit sieur du Mayne qu'il re-

poussa dás vn escadrõ, lequel alla reioindre vn autre qui estoit dans le bois, & le lendemain matin fist partir les regimens François en resolution de les pousser, presser & forcer dans leur dite place de bataille l'ayant fort bien recogneüe, ce que les ennemis ayant bien iugé, deslogerent aussi tost, & sur les sept heures du soir allerēt passer la riuere à Neufuy, vne lieuë au dessus dudit Bony à trois gays, dont le moindre pouuoit auoir trois ou quatre cens pas de large, & où la riuere estoit si basse que leurs cheuaux n'y estoient pas iusques au genoil, le lendemain Mondit sieur le Marechal fist auancer ledit sieur de Praslain avec tous les regimens, sur l'aduís qu'il receust qu'ils auoiēt quitté le logis dudit Bony, donna iusques audit Neufuy suiuy de Mondit sieur le Marechal & du canõ, Suisses & Cauallerie, & trouua en arriuant audit lieu qu'ils estoient passez ausdits guais, fors quelques troupes qui plus paresseuses que les autres, furent battues à coups de canon, & le sieur de Contenan commandant les cheuaux legers avec les sieurs de Vitry, Monglats, Zamet, Comte de la Marq, Marquis de Sablé, Marolles & Beauuais Nangy, les pousserent iusques dans le milieu de la riuere, & estans aduertis que quelques Reistres estoient demeurez, coururēt apres pour les charger, mais ils estoient desia passez à vn



guay au dessus appellé la Magdelaine, & rapporterent qu'ils auoient pris langue, que Monsieur de Luxembourg s'en alloit de l'armée des Princes, mais ayant sceu qu'il auoit passeport dudit sieur Marechal, ne les voulurent courir. C'est le discours succinct de ce qui s'est passé en ces deux iournees, apres lesquelles Mondit sieur le Marechal a despesché Messieurs de Vitry & Boniface avec troupes qu'il a enuoyees à Monsieur de la Chastre pour asseurer le pays de Berry, outre trois compagnies qu'il auoit enuoyees le iour precedent dans Aubigny pour asseurer ladire place & empescher que Monsieur le Prince ne s'en fassist.

